

NATIONAL UNIVERSITY OF LESOTHO
DEPARTMENT OF AFRICAN LANGUAGES AND LITERATURE
BA & B.Ed. SECOND SEMESTER EXAMINATIONS
ALT 3302: MODERN SESOTHO POETRY

PHUPU 2022 LINEPO: 75 NAKO: LIHORA TSE THARO

LITEMOSO:

- Araba lipotso tse tharo feela.
- Potso ea pele ea tlama.
- U ka qala ka potso ea khetho ea hau.
- Nomora ka nepo
- Qoba ho sebelisa litaba tsa potso e `ngoe ho araba e `ngoe.
- Ngola ka makhethe, ka lirapa.

POTSO EA PELE

- a) Thothokiso ea Sesotho e mefuta e mene, ikhethela u le mong e be ua o hlalosa (5)
- b) Hlalosa libopeho tse peli tseo thothokiso ea Sesotho e tsebahalang ka tsona (5)
- c) Qoolla u be u hlalose tšobotsi e le `ngoe feela ea tšoantšiso eo u e hlokomelang kaharà thothokiso ea 'Sebatli le Khoarahla'. (5)
- d) Sethothokisi se ba le mekhoha e fapaneng eo se ka atamelang thothokiso ka eona, a k'u qoólle mokhoa o le mong feela oo u o tsebang, e be ua o hlalosa. (5)
- e) Na ho omela mantsoe ke ho poma lentsoe haeba le le lelele? Hlalosa, u be u fane ka mohlala ho hlakisa. (5)

[25]

POTSO EA BOBELI

- a) Ka lintlha tse tharo (3) tse tšehelitsong, bontša hore na lithoko li susumelitse boqapi ba thothokiso ea Sesotho joang. (6)
- b) E meng ea meetlo ea Basotho e bile le tšutšumetso thothokisong ea Sesotho. Netefatsa sena ka mehlala e tšehelitsong ea meetlo e `meli e bileng le tšutšumetso ena. (6)
- c) Bokolone le Bojakane li bile le tšutšumetso ngolong ea thothokiso ea Sesotho. Netefatsa taba ena ka lintlha tse `ne (8)
- d) Ke libopeho life tse peli tseo thothokiso ea Sesotho e li hapileng thothokisong ea Senyesemane? (5)

[25]

POTSO EA BORARO

Ithute thothokiso e fanoeng katlaase ho tsoa ho Khiba (2005), u nt`o araba lipotso tse e latelang:

Pitsa

Ka maoto mararo a setlela `mamonotoana,

Mosali e motšoana-tšoana, `Malikoatana;

Mejo ha e na monono a k`a b`a nonopetse,
Chai masimong li feletse kukeng la mpa.

Mosali e motšoana, seotla-machaba-chaba,
Chabana se ka u hloka sa khoehla lengole;
Chaba se nang naoe se rua matea-tšoene;
Setlhare sa bohlae se ka `malikoataneng.

Ho khale tšešana le foka le moea,
Setšoana e tsoa ifo u tl`o re khaketsa,
Tšila tsa meno re tšotse, mala ho biega;
Phako ha le uba le re bakela tlhobaelo.

Nyafa u kene lipakeng setšoana,
Ifo lapeng le kubella moomang;
Khang ho motho le mohatsa ke mala ho korotla,
Monna o bohloko ke melomo ea bana boputsoa.

Bana ba letse ba tsetsela ba motho,
Khathatso ba e supa maling a mpa;
Taola li supa mosali tlas`a sesiu,
Pheko ke liba le ka pitseng, masutsa.

a) U tšehetsa ka mabaka a mabeli (2), thothokiso ee ke mofuta ofe?

(5)

b) Ho bonahala sethokhokisi se ikhethetse ho sebelisa mofuta o le mong oa mokhabo-puo thothokisong ena kaofela. Bolela mofuta oo, u be u hlalose ka lintlha tse peli (2) hore na sethokhokisi se o sebelisitse joang ho fetisa molaetsa oa sona ka katleho. (10)

c) Hlalosa mantsoe ana ho ea kamoo a sebelisitsoeng kateng thothokisong ena:

- i) matea-tšoene
- ii) tšila tsa meno
- iii) setlhare sa bohlae

(6)

d) Manolla serapa sa hoqetela sa thothokiso ena, 'me u qolle lintlha tse peli (2) tsa bohlokoa. (4) [25]

POTSO EA BONE

a) Fana ka tšoano le phapano ea Thothokiso-tlhalosi le Thothokiso-thapholiso.

Fana ka lintlha tse peli tsa tšoano, le tse peli tsa phapano (8)

b) U sebelisa litsebo tseo u ithutileng tsona, qapa thothokiso ea boikhethelo ba hao; u ngole lirapa tse tharo feela tsa eona (15)

c) Ka mantsoe a hao u ka re thothokiso ke eng? (2)

[25]